

	Uburyo bwo gukusanya, gutunganya no gukwirakwiza amakuru kuri filiyeri y'imbutu mu Rwanda	Kode y'innyandiko: 41KR1471156v0
	IGICE CYA 4 : UBUMENYI BW'IMIKORERE MU BYA TEKINIKI	Itariki yo kujyanisha innyandiko n'igihe UKUBOZA 2007
IFISHI YA TEKINIKI ZO GUHINGA KIYAMBERE : AMASAKA		Innyandiko ikomatanyije

Inkomoko y'innyandiko	AJENDA Y'UBUHINZI / MINAGRI
------------------------------	-----------------------------

Itariki innyandiko yasohokweye	2002
---------------------------------------	------

Umubare w'amapagi	3
--------------------------	---

IFISHI YA TEKINIKI ZO GUHINGA KIYAMBERE : AMASAKA

1. **Aho akunda:** Akarere k'urubuye, Mayaga, Bugesera, Umugongo, Umurambi w'iburasirazuba, Umukenke w'iburasirazuba, Uturere twegereye ibirunga hasi ya m 2.200 z'ubutumburuke.
2. **Ubutaka:** bw'ibumba rivanze n'umucanga, kandi bw'isi ndende
3. **Ubwoko:** Ikinyaruka, Tura, 5D x 160, Kigufi, BM10, BM27, BM1, Amasugi, Kebo (SVR 157)
4. **Ifumbire y'ibibora:** Kg 100-200 kuri ari, igihe cy'itabira
5. **Igihe cy'itera:** - Ukuboza: imisozi miremire (Buberuka, Gikongoro)
- Mutarama: imisozi itumburutse buhoro: amasaka yera vuba
- Gashyantare : mu turere tw'imisozi migufi bagakoresha amoko yera vuba
6. **Igerambuto:** g 300 kuri ari 1, bagatera kuri cm 60 hagati y'imirogo na cm 40 mu mirongo. Batera intete 5 mu kobo. Bashobora no gutera ku mirongo ihurutuye itandukanijwe na cm 60. Iyo harimo amazi ahagije, ingemwe 9 kuri m 1 y'umurongo ni ukuvuga ingemwe 150.000 kuri hegitari.
7. **Kuyakenura:** - kubagara, afite cm 10 z'uburebure
- gusukira no kwicira, afite cm 30. Mu mwobo basigamo amasaka 2. Mu yandi magambo, kubagara hashize ukwezi ubibye, gusukira hashize amezi 2.
8. **Ifumbire y'imvaruganda:** Kg 2,5 za NPK 17-17-17 kuri ari cyangwa Kg 1 DAP 18-46-0, amaze kumera cyangwa mu itera + Kg 0,5-0,75 ya Ire hashize ibyumweru 6-7 atewe.



9. Indwara n'udukoko:

a) Urugombyi:

Ikirutera: **Sphacelia (Urugombyi)**

Aho rufata: ku mahundo

Ibimenyetso: amasaka yenda kwera neza; ku mahundo hazaho ibintu bisa n'isine biza kwirabura nyuma. Hanyuma bihinduka igitembabuzi kirenduka kimatira kandi kiryoshye nk'isukari, ni rwo rugombyi.

Uko barurwanya: guhinga amoko adakunda kururwara

b) Isazi y'amasaka:

Irindi zina: **Atherigona soccata (agakoko)**

Aho ifata: umwumba

Ibimenyetso: amasaka akimera aruma

Kuyirwanya: ubwoko budakunda kuyirwara, gutwika amasaka yafashwe

c) Cécidomyie y'amasaka:

Irindi zina: **Cantarinia sorghicola** (isazi)

Aho ifata: ku mahundo

Ibimenyetso: amahundo yafashwe azana impeke intarutaru cyangwa ntagire izo azana

Kuyirwanya: - guterera rimwe kandi kare
- gutwika imishishi nyuma y'isarura

d) Inanda:

Irindi zina: **Agrotis segetum (agakoko)**

Aho ifata: hagati y'imizi n'igihimba

Ibimenyetso: ica ishaka mo kabiri hagati y'imizi n'igihimba

Uko irwanywa: Dursban 5%G : 15 à 20 Kg/Ha

e) Rwona (icyatsi kibi) = Striga

Uko iteye: ni icyatsi gifite uburebure bwa cm 25 kugeza kuri 30. Ni ikiririzi cy'imizi y'amasaka n'ibindi binyampeke; gifite igihimba gikunda kugaba udushami twinshi vuba kandi cyera utubuto twinshi cyane.

Kuyirwanya: - kuyirandura mbere y'uko yera imbuto
- gufumbira cyane no gusimburanya amasaka na soja cyangwa ubunyobwa

10. Iminsi yerera: kuva ku mezi 4 kugeza kuri 7, bitewe n'ubwoko

11. Umurumbuko: Kg 30 - 40 kuri ari mu buhinzi bwa kijyambere

12. Kuyahunika: - gukoresha malatiyo 2%; g 100 kuri Kg 100 z'amasaka
- Agitelike 2% : g 100 kuri Kg 100 z'amasaka
- Super grain Dust : 50 g muri Kg 90 z'amasaka